



Kattusseqatigiit Partiiat

31. juli 2008

Inatsisartut suleriaasianni § 36 imm. 1 naapertorlugu apeqquteqaat imaattoq Naalakkersuisunut saqqummiuppara:

Naalakkersuisunut apeqqut:

- Ilinniartut qulit Saviminerilerinermi Ilinniarfimmi inissaqannginneq peqqutigalugu angerlartiinnarneqartussat Naalakkersuisuniit qanoq periarfissinneqarniarpa ?
- Ilinniartitaaneq pillugu pilersaarut kingullerpaat qanoq isikkoqarpa ? (tassani ilinniartut ineqartinneqartarnerannut, praktik-kerfissaqartitsinermut, Nunanut allanut praktik-keriartorsinnaanermut periarfissat ilanngullungit il.il. tamakkiisumik nalunaarsorneqarsimappaat ?
- Ilinniartitaanermut pilersaarut qanoq nunatsinni pisariaqartitsinermut qanoq naleqqussarneqartigisimava ? aamma pisariaqartitsineq qanoq tulleriiarneqarsimava ?
- Sooq ilinniartut ilaat inissaqartinneqanngitsut asuliinnaq illoqarfigisaminniit aallartinneqarsimappat ?
- Ilinniartunik allanik taamatut nalaassisoqannginnissaat qulakkeerniarlugu Naalakkersuisut qanoq iliuuseqarniarpat ?

(inatsisartunut ilaasortaq Anthon Frederiksen, Kattusseqatigiit partiiat)

Tungavilersuut:

Inatsisartut ataatsimiittarnitsinni Kattusseqatigiit Partiianniit ataasiarnata ugartortarparput; ilinniartitaaneq pillugu pilersaarut sukumiisoq aammalu inuiaqatigiinnut, pingaartumillu ilinniartunngorumaartussanut, ilinniagaqartunullu tamakkiisumik paasisutissiisinnaasoq saqqummiunneqaqqullugu. Naalakkersuisut inatsisartut oqaluttarfianniit neriorsuisarput; ilinniartitaaneq pillugu pilersaarut inatsisartunut aquaanneqarumaartoq.

Ujartuisarnitsinni ilinniartitaaneq pillugu allakkiaq december 2005-imeersoq pissarsiarinikuuvarput – taannali isumarput naapertorlugu, ilinniartitaaneq pillugu pilersaarummik taaneqarsinnaasutut nalilinngilarput, tassa piffissalersuinermit, pisariaqartitsinermit, praktik-kerfissanullu tunngasunik annerusumik paasissutissiinngimmat.

Taamaattumik tupinnanngitsumik kingullermik ullumi ullup qeqqanut radio-avis-ikkut nalunaarutigineqartut naapertorlugit Nuummut Saviminilerinermit ilinniarfimmu ilinniariartoraluit inissaqannginnertik pissutigalugu angerlartiinnartariaqartut paasitinneqarpungut.

Kattusseqatigiit Partiianiit isumaqarpungut; inuusuttortatta ilaasa taama torinngitsigisunik atungassaqartinneqarnerat akuerineqarsinnaanngitsoq, tamannalu ilaatingut Naalakkersuisut sukumiisumik ersarissumillu ilinniartitaaneq pillugu politik-keqannginnerannik pissuteqartoq. Taamaammatt Kattusseqatigiit Partiianiit matumuuna ujartorparput; Ilumut Naalakkersuisut sukumiisumik ilinniartitaaneq pillugu pilersaarummik peqarnerisut ?